



閱藏知津

小乘經下  
大乘律

冊八



閱藏知津卷第二十九

北天目沙門



彙輯



小乘經藏之四

佛說長阿含經

二十卷

前有僧肇序

南克念北習聽

姚秦罽賓國沙門佛陀耶舍共竺佛念譯



○第一分初大本緣經第一說七佛事 遊行經第一

二因阿闍世王問伐隣國事廣為比丘說七法六

法乃至歷敘入涅槃分舍利事 典尊經第三般

遮翊子述梵童為忉利天說過去大典尊臣事以

之問佛佛為說究竟梵行法 闍尼沙經第四此



云勝結使。乃摩竭國王。命終生四王天。爲毗沙門作子。述梵童爲諸天所說法。佛卽以之酬阿難請。○第二分四姓經第一。爲二出家婆羅門。說四姓平等。作惡墮落。作善超昇。見諦證道。轉輪聖王。修行經第二。誡勅比丘。當自熾然。當自歸依。謂修四念處觀。并說古先聖王治世。末後出家。至第七王。不如法治。漸生惡法。致成滅劫。刀兵劫後。漸次修善。倍倍壽增。至八萬歲時。慈氏出世。是故比丘。當修善法。則壽命延長。謂四神足。顏色增益。謂具戒品。安隱快樂。謂成四禪。財寶豐饒。謂行四等。威力

具足。謂見四諦。力能降魔。弊宿經第三。童女迦葉。爲弊宿婆羅門種種說法。破其斷見。皈依設會。死得生天。散陀那經第四。此居士往梵志尼俱陀處。梵志毀佛。佛至其處。爲說苦行淨不淨法。折伏梵志。眾集經第五。佛勅舍利弗說法。因說種種增一之法。十上經第六。佛勅舍利弗說法。因說十上法。謂多成法。修法。覺法。滅法。退法。增法。難解法。生法。知法。證法。各各增一至十。其五百五十法。增一經第七。佛爲比丘說多成法。修法。覺法。滅法。證法。皆增一至十。三聚經第八。佛爲比丘

說三法聚。謂趨惡趣。趨善趣。趨涅槃法。各增一至十。大緣方便經第九。爲阿難廣說十二因緣甚深義。釋提桓因問經第十。爲帝釋說因調有想。因想有欲。有愛憎。有貪嫉。乃至其相傷害。阿菟夷經第十一。爲房伽婆梵志說善宿比丘事。及說破世見事。善生經第十二。爲善生長者子說離四惡行禮敬六方法。清淨經第十三。因周那沙彌述外道徒眾鬪諍事。佛爲說無諍正法。自歡喜經第十四。舍利弗向佛師子吼。稱說如來難及之法。大會經第十五。諸天集會。佛爲結呪。

第三分阿摩晝經第一。佛伽羅娑羅遣其弟子阿摩晝。觀佛相好。阿摩晝輕慢釋種。佛出其種姓之因。并爲說妙法。如大小持戒。慥度所明。次令得見相好。還白厥師。師來見佛。觀相設供。爲阿摩晝悔過除白癩病。自復悟道。生不還天。梵動經第二。佛誡比丘。於毀三寶者。不得懷忿。於稱讚者。亦勿歡喜。凡夫寡聞。直讚小緣。威儀戒行。唯賢聖弟子。能以甚微妙大法。光明讚佛。謂佛善知六十二見本末因緣。知已不著。而得解脫。種德經第三。種德婆羅門見佛。佛問以婆羅門法。於五法中。以次

揀去生誦端正。惟持戒智慧缺一不可。佛讚印之。并爲說比丘戒慧。彼卽受三歸五戒。究羅檀頭經第四。佛爲此婆羅門說大祀法。及說歸戒慈心出家功德。此婆羅門卽放牛羊等物。受歸戒供佛證果。生不還天。堅固經第五。堅固長者子。三請佛勅弟子現神足。佛言。我但教弟子於空閒處靜默思道。覆德露過。以現神足。能起謗故。倮形梵志經第六。爲此梵志說苦行亦有善惡二趣。不皆訶責。但非出要。惟如來大師子吼。能令人出家成道。此梵志卽出家證果。三明經第七。爲二梵志

弟子破三明所說梵道虛妄。及爲正說梵道。沙門果經第八。爲阿闍世說沙門現在得果。并受其讖。布咤婆樓經第九。破梵志相違論。爲說有因緣想生。有因緣想滅。露遮經第十。此婆羅門見佛。請佛尋起惡見。謂不應爲人說法。佛受供時破之。

- 第四分世記經第十一 閻浮提洲品第一 鬱  
單越品第二 轉輪聖王品第三 地獄品第四  
龍鳥品第五 阿須倫品第六 四天王品第  
七 忉利天品第八 三災品第九 戰鬥品第

十 三中劫品第十一 世本緣品第十二

△佛說七佛經卷一 南深 北命

宋中印土沙門法天譯

佛在祇園為比丘說七佛氏族名字及大弟子

等。又廣說毗婆尸佛降生瑞應。長阿含初大本

緣經前分同本。

△毗婆尸佛經上下 南臨 北盡 合卷

宋中印土沙門法天譯

佛為苾芻說過去毗婆尸佛遊觀四門出家轉

法輪事。長阿含初大本緣經後分同本。

佛般泥洹經卷二 南禍 北福

西晉河內沙門白法祖譯

因阿闍世王遣雨舍大臣問伐越祇國事。佛為

說七不衰法。大臣去後為比丘說七七之法。次

說四痛入戒之法。乃至受奈女供。展轉遊行。至

雙樹間入滅。焚身起塔。結集經典。

大般涅槃經卷三 南禍 北駒

東晉平陽沙門釋法顯譯

佛三語阿難。設得四神足者。欲住壽一劫。皆得

隨意。阿難不解。勸請。魔來請佛涅槃。佛遂許之。

周歷諸處。詔告四眾。於雙樹間入滅茶毗。二經皆長阿含遊行經同本。

佛說方等泥洹經 二卷 南禍北駒

附東晉錄

與前經大同小異

佛說大堅固婆羅門緣起經 上下同卷 南淵北斯

宋北印土沙門施護譯

長阿含典尊經同本

佛說人仙經 六紙半餘 南興北臨

宋中印土沙門法賢譯

頻婆娑羅王命終。作毗沙門天王太子。名曰人仙。來述忉利天梵王說法事。長阿含闍尼沙經同本。

佛說白衣金幢二婆羅門緣起經 上中下同卷 南馨北夙

宋北印土沙門施護譯

二婆羅門近佛。而恒見佛問法。佛為說世界四姓起因。即出家證果。長阿含初四姓經同本。

佛說尼拘陀梵志經 上下同卷 南馨北夙

宋北印土沙門施護譯

和合長者至拘尼陀梵志所。彼方止其世論。長

者問之。反言瞿曇慧何能轉。佛往問之。彼則默不能答。長阿含散陀那經同本。

△佛說大集法門經

卷二

南斯北薄

宋北印土沙門施護譯

佛遊末利城。有末利優婆塞。新造一舍。請佛及僧安止。佛示安臥。舍利子說增一至十法。長阿含眾集經同本。

長阿含十報法經

二卷今作一卷

南聽北因

後漢安息國沙門安世高譯

卽十上經。五百五十法。

佛說人本欲生經

卷一

南禍北福

長阿含大緣方便經同本

佛說尸迦羅越六方禮經

五紙

南禍北福

後漢安息國沙門安世高譯

長阿含善生經同本

△佛說信佛功德經

八紙

南興北深

宋中印土沙門法賢譯

佛在菴羅園中。舍利弗歎佛種種最勝功德。長

阿含自歡喜經同本。

△佛說大三摩惹經

四紙半

南臨北盡

阿含口律卷二十一 小乘經

二

宋中印土沙門法天譯

佛在迦毗羅林四梵王各以頌讚大眾雲集有

大黑神祖蹲那作惡佛說聲聞法調伏之長阿

含大會經同本

佛說梵志阿臆經卷一 南禍 北善

吳月支國優婆塞支謙譯

長阿含阿摩晝經同本

佛說梵網六十二見經卷一 南禍 北福

吳月支國優婆塞支謙譯

長阿含梵動經同本

佛說寂志果經卷一 南禍 北善

東晉西域沙門竺曇無蘭譯

長阿含沙門果經同本

佛說樓炭經卷六 南積 北福

西晉沙門釋法炬共法立譯

即長阿含世記經品稍不同文亦簡拙

○起世經卷十 南因 北積

隋北天竺沙門闍那崛多譯

亦即世記經而品次稍異文義俱暢

△起世因本經卷十 惡

隋北天竺沙門達摩笈多等譯

與上經同

雜阿含經 五十卷 谷傳聲虛堂

宋天竺三藏求那跋陀羅譯

第一品不出名。然多就五陰廣破愛見。誦六入

處品第二。皆就內六入。外六塵。及六識。六觸。六受。

六想。六思。六愛等。廣明無常苦空。破於愛見。雜

因誦品第三。弟子所說誦品第四。第五誦道

品第一 品名多 缺略

大約有小半與中阿含增一阿含相同。而文順

暢。

△別譯雜阿含經 二十卷今 南習聽 北禍因 作十六卷

附秦錄

雜阿含經 一卷 南聽 北因

附吳魏二錄

右二經皆於大部中撮要譯出別行。

佛說七處三觀經 上下 南緣 全卷 北慶

後漢安息國沙門安世高譯

出雜阿含第二卷及三十四卷。

五蘊皆空經 半紙 南緣 北善

哥或口世云二十七小乘經

唐大薦福寺沙門義淨譯

初為五比丘說苦空無常義亦出雜阿含第二卷。

○佛說聖法印經一紙餘南緣北慶

西晉月支國沙門竺法護譯

說空無欲無我無常清淨之業。出雜阿含第三卷。

△佛說法印經一紙餘南清北薄

宋北印土沙門施護譯

說三解脫門為聖法印。出雜阿含第三卷。

△五陰譬喻經二紙欠南善北慶

後漢安息國沙門安世高譯

沫泡燄蕉幻五喻也。出雜阿含第十卷。

佛說水沫所漂經二紙欠南善北慶

東晉西域沙門竺曇無蘭譯

與上經同

佛說不自守意經一紙欠南善北慶

吳月支國優婆塞支謙譯

說自守不自守法。出雜阿含第十一卷。

△佛說滿願子經二紙欠南善北慶

附東晉錄

請略說法而往化惡國。出雜阿含第十三卷。

轉法輪經一紙 南善 北慶

後漢安息國沙門安世高譯

於鹿野樹下手撫飛輪三轉四諦行法。

佛說三轉法輪經二紙 南善 北慶

唐大薦福寺沙門釋義淨譯

即最初為五比丘說法 二經出雜阿含第十

五卷

佛說八正道經一紙 南善 北慶

後漢安息國沙門安世高譯

出雜阿含第二十八卷

難提釋經三紙 南善 北慶

西晉沙門釋法炬譯

為此釋說五法六念。出雜阿含第三十卷。

佛說馬有三相經一紙 南善 北慶

後漢西域沙門支曜譯

說官馬三善相

佛說馬有八態譬人經一紙 南善 北慶

後漢西域沙門支曜譯

說惡馬八態喻惡比丘。二經出雜阿含第三

十三卷

佛說戒德香經

一紙餘

南福北緣

東晉西域沙門竺曇無蘭譯

說戒香順逆普聞。勝世間諸香。出雜阿含三十

八卷。

○佛說戒香經

一紙

南興北深

宋中印土沙門法賢譯

與上經同

佛說相應相可經

一紙欠

南善北慶

西晉沙門釋法炬譯

說善惡人各以類相聚。出單卷雜阿含中。

本事經

七卷南興北孝

唐大慈恩寺沙門釋玄奘譯

一法品第一。無明蓋。貪愛結。一劫身骨。

心意染汙。墮惡趣。心意清淨。昇善趣。皆由自

業。意為前導。善惡破僧。僧和一結。斷時餘

亦斷。所謂我慢。不放逸。捨貪。捨欲。捨瞋。捨恚。

捨癡。捨覆。捨惱。捨忿。捨恨。捨嫉。捨慳。捨嗜。捨慢。捨

害。念佛。念法。念眾。念戒。念施。念天。念休息。念安

般念身念死。知貪。知瞋。知癡。知覆。知惱。知忿。知恨。知嫉。知慳。知耽。知慢。知害。知一切。修慈。外

強緣無如善知識。內強緣無如正作意。惠施果報。犯戒報。持戒報。妄語無慚愧。有慚愧。最勝有情。八邪見過。正見益。心速疾迴

轉。二法品第二。根門不守護。飲食不知量。守護

根門。飲食知量。惟作罪。不修福。惟修福。不作

罪。樂苦二速行。二遲行。惡戒。惡見。善戒。善見。作不作各二。法智。類智。世間智。出世

智。不真出家。真出家。三番於惡應了知。應厭背。

不淨斷貪。慈悲斷瞋。有餘涅槃。無餘涅槃。二番有見。無有見。二纏。隨證有餘。或不還果。二番有

慚。有愧。只靜慮聽法。聖尋求。非聖尋求。慚愧。不害尋思。永斷尋思。力法。二輪。奢摩他。毗

鉢舍那。慧及解脫。無明。慧明。為惡善上首。斷無明愛。轉於法輪。剃髮乞求。二苦。二有情

墮地獄。一破戒。二謗他。父母恩難報。業智無欺誑。父母應供養。財施。法施。財祠祀。法祠

祀。法言。宴默。言說。宴默。各有善惡。思擇力。

修習力。業壽相隨。短壽長壽行。所緣行相。

作意行相。生死相乖無間。不調伏死。調伏死。

雜染法。清淨法。有見無有見。互為怨害。世

間正見。出世正見。

三法品第三。劣勝解妙勝解有情。三世各相親

近。三因三緣。能感後有。無明。愛業。貪欲。耽著

受用。不見過患。三因緣。生多過患。三欲天。不出

生死。三似驢鳴。增上三學四番。調善戒法。慧

無學戒。定。慧。三種樂事。應持淨戒。三種香

不如戒香。等子。勝子。劣子。應修三善根。四念

處等。三尋思能令退失。一親里。二利養。三妒勝

又一事業。二談話。三睡眠。淨信。施物。福田。三法

和合現前。生無量福。三不堅。易三堅。身。命。財。

三無漏根。三有情應親近。一劣二學。二等。三勝。

身。不淨。觀息。隨念。行。無常。苦。無我。老。病。死。三怨

賊。施。戒。修。三福業。佛法。僧。最勝。三大師。一

佛。二無學。三有學。三時諸天。集會歡喜。一發心

出家。二如法持戒。三依法證果。三事天勝於人。

長壽端嚴快樂。然亦無常。

佛本行集經 卷六十 南父事君曰嚴 北父事君曰嚴與

司或口世卷二十一 小乘經

十四

隋北天竺沙門闍那崛多譯

發心供養品第一 受決定記品第二 賢劫王

種品第三 託兜率品第四 俯降王宮品第五

樹下誕生品第六 從園還城品第七 相師

占看品第八 私陀問瑞品第九 姨母養育品

第十 習學技藝品第十一 遊戲觀矚品第十

二 捫術爭婚品第十三 常飾納妃品第十四

空聲勸厭品第十五 出逢老人品第十六

淨飯王夢品第十七 見病人品第十八 路逢

死屍品第十九 耶輸陀羅夢品第二十 捨宮

出家品第二十一 剃髮染衣品第二十二 車

匿等還品第二十三 觀諸異道品第二十四

王使往還品第二十五 問阿羅邏品第二十六

答羅摩子品第二十七 勸受世利品第二十

八 精進若行品第二十九 向菩提樹品第三

十 魔怖菩薩品第三十一 菩薩降魔品第三

十二 成無上道品第三十三 昔與魔競品第

三十四 二商奉食品第三十五 梵天勸請品

第三十六 轉妙法輪品第三十七 耶輸陀因

緣品第三十八 耶輸陀即耶舍此云上傘 耶輸陀宿緣品第

問或曰其卷二十一 小乘經

十五

三十九 富樓那出家品第四十 即富樓那彌多羅尼子。此云滿

慈子。亦云滿願子。 那羅陀出家品第四十一 即迦旃延也。

娑毗耶出家品第四十二 教化兵將品第四十

三。先明三歸得戒。次化提婆大婆羅門夫婦證初

果。迦葉三兄弟品第四十四 優波斯那品第

四十五 即三迦葉波之甥。亦有二百五十人。同出家證果。 布施竹園品

第四十六 大迦葉因緣品第四十七 跋陀羅

夫婦因緣品第四十八 即紫金光比丘尼也。 舍利目連因

緣品第四十九 五百比丘因緣品第五十 斷

不信人行品第五十一 說法儀式品第五十二

尸棄佛本生地品第五十三 優陀夷品第五

十四 優波離品第五十五 羅睺羅因緣品第

五十六 難陀出家因緣品第五十七 婆提唎

迦等因緣品第五十八 摩尼婁陀品第五十九

阿難因緣品第六十

摩訶僧祇師名爲大事。薩婆多師名此經爲大莊

嚴。迦葉維師名爲佛往因緣。曇無德師名爲釋迦

牟尼佛本行。尼沙塞師名爲毗尼藏根本。

○佛說諸佛經 三南履北臨

宋北印土沙門施護譯

佛本行集經初品同本

過去現在因果經卷四 南慶北尺

劉宋中天竺沙門求那跋陀羅譯

說佛於過去普光佛所得授記已。生生行菩薩道。

乃至生兜率。示入胎。出胎。出家。降魔。成道。轉法輪。

度五比丘。三迦葉。舍利弗。目犍連。大迦葉等事。一

一結示往因。中有與仙人論破冥諦非想事。

修行本起經卷二 南善北尺

後漢西域沙門竺大力共康孟詳譯

過去現在因果經同本

太子瑞應本起經卷二 南慶北尺

吳月支國優婆塞支謙譯

異出菩薩本起經卷十一 紙一 維

西晉清信士聶道真譯

二經並同上

中本起經卷二 次各四部僧始起出長阿含 南積北緣

後漢西域沙門曇果共康孟詳譯

轉法輪品第一 現變品第二 化迦葉品第三

度萍沙王品第四 舍利弗大目連來學品第

五 還本國品第六 須達品第七 本起該容

齋品第八 瞿曇彌來作比丘尼品第九 無常

品第十 自愛品第十一 大迦葉始來學品第

十二 度奈女品第十三 尼犍問疑品第十四

佛食馬麥品第十五 略敘如來行跡 文筆古雅

佛說初分說經 上下合卷 南馨北夙

宋北印土沙門施護譯

即是度三迦葉及舍利弗目連事與他經大同

小異

佛說興起行經 三卷北 一名嚴威 南與 宿緣經 北當

後漢康居國沙門康孟詳譯

佛在阿耨達池為舍利弗說夙緣十品 孫陀利

奢彌跋 頭痛 骨節煩疼 背痛 木槍刺

腳 地婆達兜擲石 婆羅門女旃沙謗 食馬

麥 苦行

佛說眾許摩訶帝經 十三卷南作九 南深 卷北作七卷 北命

宋中印土沙門法賢譯

佛在迦毗羅國釋眾欲聞過去種族之事佛勅目

連說之次敘摩耶及摩賀摩耶生緣次敘降神因

緣阿私陀占相因緣童子時學書學射等緣耶輸

陀羅等三夫人緣出家因緣成道因緣初受商主

布薩婆梨迦食石鉢因緣。度五比丘因緣。度耶舍因緣。度彼四友因緣。度五十人因緣。度六十賢眾作優婆塞因緣。度難邨及長女作近事因緣。度三迦葉波因緣。受民彌娑囉王請因緣。給孤長者請佛因緣。舍利弗議論降伏外道因緣。立祇園名因緣。化迦羅城因緣。烏波梨出家為上座眾釋禮足。并說其往昔因緣。

佛垂般涅槃略說教誡經五紙 亦名佛遺教經 南行北食

姚秦天竺沙門鳩摩羅什譯

囑諸比丘。以戒為師。離諸惡法。對治諸苦。及諸煩惱。

勤修出世大人功德。所謂無求知足。遠離精進。不忘禪定智慧。及不戲論。蓋是最後丁寧。不啻一字一血。宜深玩而力行之。

佛臨涅槃記法住經四紙 南賢北食

唐大慈恩寺沙門釋玄奘譯

說從初百年。乃至第十百年事。

佛說當來變經二紙 南賢北景

西晉月支國沙門竺法護譯

說當來壞法事。增一至五。并示修持要法。

佛說法滅盡經二紙 南賢北景

僧祐附劉宋錄

佛在拘夷那竭國。當般涅槃。默無所說。光明不現。阿難三問。佛為說末世眾魔比丘不如法事。乃至袈裟變白。

般涅槃後灌臘經

餘一紙

南賢北食

西晉月支國沙門竺法護譯

預問四月八日。七月十五日。浴佛陳供之法。佛誠不得口許而負其物。此物眾僧應分。或施貧窮孤老。

佛滅度後棺斂葬送經

二紙半

南當北食

附西晉錄

阿難請問茶毗之法。佛言。應如轉輪聖王。又懸記千年後鉢顯神變事。

迦葉赴佛般涅槃經

二紙

南宜北既

東晉西域沙門竺曇無蘭譯

迦葉趨赴涅槃。悲哀說偈。

佛入涅槃密跡金剛力士哀戀經

五紙餘

南宜北既

失譯人名

力士哀戀。帝釋慰止。

閱藏知津卷第二十九

閱藏知津卷第三十

代士京

天

將入野

聖

聖

聖

聖

聖

聖

閱藏知津卷第三十

北天目沙門釋智旭彙輯

小乘經藏之五

正法念處經

卷七

非寶寸陰是競資

元魏中天竺婆羅門瞿曇般若流支譯

十善業道品第一。因外道說佛法與彼無別。新學

比丘不能答告舍利弗。舍利弗令問佛。佛為具說

十不善果報差別。及說十善世出世果。生死品

第二。說比丘應觀察生死過患。次第修十地行等。

地獄品第三。說十惡因。感得種種地獄苦報。差

別善能觀察。乃至得十三地。餓鬼品第四。說三十六種餓鬼因果差別。觀察得十五地。畜生品第五。說畜生品類差別最多。及說脩羅與天鬪戰事。觀察得十七地。觀天品第六。觀察四王及三十三天。得十八地。又觀夜摩天有三十二處。隨業受果。樂盡苦生。有夜摩天王及鵝王孔雀王諸天鳥等。說種種訶放逸法。身念處品第七。說內身觀四大調與不調。戶蟲行業諸風作用等。作外身觀。四洲眾生苦樂因果。生死不斷。觀已厭離。

妙法聖念處經 八卷今作四卷 忠

宋中印土沙門法天譯

說十善法及厭離行等。訶酒過失及十惡等。讚歎護戒及說天上諸偈。大意與正法念處經同。

佛說生經 卷五 璧

西晉月支國沙門竺法護譯

一 那賴經。說佛昔為仙人名那賴。此云無樂。說法令方迹王斷愛。今復說法斷比丘欲想。令證果。二分衛比丘經。說此比丘昔為鼈時。亦曾係意獼猴。而不遂所願。三 和難經。說和難釋子輒度人。昔時亦曾受博掩子所欺。四 邪業自活經。亦說

和難釋子往事。五是我所經說慳鄙長者曾爲  
鳥名我所。六野雞經說野貓巧誘野雞因緣。貓  
卽旃遮比丘。雞卽佛是。七前世諍女經說調達  
最初結怨之由。八墮珠著海中經說佛昔時扞  
海事。九旃闍摩暴志謗佛經說尼謗佛夙緣。  
十鼈獼猴經亦說暴志昔爲鼈婦調達爲鼈佛爲  
獼猴。十一五仙人經說一仙人侍四仙人事。四  
仙人卽前後四佛。梵志卽調達。十二舅甥經亦  
佛及舍利弗調達往事。十三閒居經爲梵志說  
出家閒居行。十四舍利弗般涅槃經說尊者雖

入滅五分法身不滅。人宜自求歸依。處於法地。歸  
命於法。不處他地。不歸餘人。十五子命過經爲  
喪子墮憂者說法。令悟無常。十六比丘各言志  
經。與中阿含牛角娑羅林經上同。十七迦旃延  
說無常經。十八和利長者問事經。佛問長者四  
大諸法。長者一一能答。十九心總持經說大乘  
法。而有呪。二十護諸比丘呪經。二十一吉祥  
呪經。二十二總持經。大似華嚴經中略出少許。  
二十三所欣釋經。說所欣釋。今昔麤獷事。二  
十四國王五人經。說舍利弗阿那律阿難輸輪及

佛往因與今事同。二十五蠱狐鳥經。說調達與拘迦利。昔爲狐鳥。互相謬歎。今亦復然。二十六比丘疾病經。卽佛躬看病比丘事。二十七審裸形子經。外道遣人覓佛短。反受佛化。得見道迹。因說夙事。二十八腹使經。阿難勸匿王於饑世供佛及僧。佛說其往因。曾以腹使之語。利益眾人。二十九弟子命過經。有弟子命過生天。見佛得道。其師憶之。佛爲安慰說法。并說昔時仙人愛小象緣。三十水牛經。說昔時水牛王忍獼猴辱。而梵志殺此獼猴。今外道亦然。三十一兔王經。說兔

王捨身奉仙人事。仙人卽錠光佛。兔王卽釋迦也。三十二無懼經。說昔人行道。死時無懼。得生內院。三十三五百幼童經。童子行善。遇水厄。生內院。三十四毒草經。說大林毒草。喻警人勤去三毒。三十五鼈喻經。喻三界無安。三十六菩薩曾爲鼈王經。說鼈王忍苦。不害商人事。三十七毒喻經。說子息不肯行毒。以爲喻。喻人不宜行毒。宜去三毒。行六度等行。三十八誨子經。說母善誨子事。歎後世人子。有從不從。三十九負爲牛者經。說佛救牛因緣。四十光華梵志經。說維衛

佛時梵志。卽是今佛。眾眷屬。卽今眾會。四十一  
變悔喻經。居士出家。後又變悔。樹神現尼身。以覺  
悟之。乃得證道。四十二馬喻經。馬能調良。則受  
快樂。佛調眾生。亦復如是。四十三比丘尼現變  
經。二尼現變化。度惡人。四十四孤獨經。說昔時  
孤獨人能作福。有子反受其累。以喻迷心而生五  
陰六衰之患。四十五梵志經。佛爲梵志一家說  
法。令各得益。因說昔事亦爾。四十六君臣經。說  
調達昔爲大猶王。佛爲密善財大臣。四十七拘  
薩國烏王經。說四將昔爲四烏事。四十八蜜具  
經。授梵志施蜜者緣覺記。并說其往因。四十九  
雜讚經。有比丘尼子出家。不順道法。母誨不從。父  
勅不順。後遇大苦。佛因說其曾爲烏時。亦遭此苦。  
五十草驢馳經。比丘妄授客比丘籌。後取衣鉢  
辱主乃去。佛說草驢馳梵志往因。五十一孔雀  
經。說往時孔雀。令烏無光。今佛令外道失彩。五  
十二仙人撥劫經。卽往古仙人觸女失通事。五  
十三清信士阿夷扇持父子經。父不喜其子。子他  
出後。方思之。喚不肯歸。佛因說昔時獼猴師事。  
五十四夫婦經。夫不喜其妻。妻出家證果。後方喚

之佛因說其夙緣。五十五譬喻經。一說昔時比  
 丘化油供佛緣。比丘即然燈佛。老母施油者即釋  
 迦佛也。二說大魚救荒結緣事。三說首達謗  
 惟先墮獄事。首達即釋迦。惟先即阿彌陀佛。四  
 說梵志儒童爭座成怨事。梵志即調達。儒童即釋  
 迦。梵志發惡願已。大修功德。乃得世世與佛相值。  
 五說驢隨馬則與馬相似。隨驢則仍似驢。誠人  
 宜隨善知識。六說盜天像金頭。稱南無佛。即得  
 取去。人方知天不如佛。七說狗伏牀下聽經。得  
 為比丘尼證果。八說貧人乞得天帝瓶。墮地破

之便無所堪。喻人初聞佛法。能行精進。所願必得。  
 後小懈怠。忘失經戒。譬如瓶破也。

雜有大乘法

佛說義足經

卷二 璧

吳月支國優婆塞友謙譯

桀貪第一 優填王第二 須陀利第三 殺女謗

佛事 摩竭梵第四 鏡面王第五 盲人摸象喻

老少俱死第六 彌勒難第七 勇辭梵志第

八 摩因提女第九 異學搗飛第十 猛觀梵

志第十一 法觀梵志第十二 兜勒梵志第十

三 蓮華色比丘尼第十四。佛從忉利天來事。

子父共會第十五。佛與父王相見。令證果事。惟

樓勒太子第十六。即瑠璃王害釋種事。經云。惟

十六經各有義足偈。故總名義足經。而譯文甚

為難曉。

佛說大安般守意經 卷二 有康僧會序 敬

後漢安息國沙門安世高譯

佛在越祇國舍鞞瘦國說。大似論體。六行四諦。十點法門。

禪祕要法經 卷三 南尺北竭

姚秦天竺沙門鳩摩羅什譯

一為迦絺那。難陀說繫念觀。左腳大指法。次為

大眾說第一繫念額上。第二觀白骨。第三津膩慚

愧觀。第四胖脹膿血。及易想觀。第五觀薄皮。第六

厚皮。蟲聚觀。第七極赤淤泥濁水洗皮雜想。第八

新死想。第九具身想。第十節節解觀。第十一白骨

流光觀。第十二四大觀。亦名八十八使境界。第十

三結使根本觀。第十四易觀法。及地大觀。又觀外

四大。亦名漸解學觀空。第十五四大觀。第十六四

大觀。第十七身念處觀。第十八一門觀。具見七佛

等。第十九觀佛三昧。亦名灌頂法。第二十數息觀。

為禪難提比丘說第二十一煖法觀為槃直迦說  
第二十二觀頂法第二十三觀助頂法方便第二  
十四火大觀第二十五火滅觀第二十六正觀得  
須陀洹道第二十七真無我觀滅水大想向斯陀  
含第二十九水大觀得斯陀含第三十風大觀  
成阿那含次為阿祇達說往昔因緣教修慈心及  
說賢聖空相應心境界分別十一切入相阿難請  
問經名并示四法及囑修者慎勿輕與人知

治禪病祕要經

卷二

南善  
北慶

北涼安陽侯沮渠京聲譯

治阿練若亂心病七十二種法

尊者舍利弗所問  
出雜阿含阿練若

雜事

治噎法

治行者貪姪患法

治利養瘡

法 治犯戒法念七佛念三十五佛念諸菩薩念

大乘心觀於空法想佛捉水灌頂復想墮獄稱三

寶名蒙光救拔然後八百日苦役七日觀白毫相

又教作毒蛇觀更作苦役更觀一佛更修不淨觀

成又誦戒經八百遍然後復淨 治樂音樂法

治好歌唄偈讚法 治水大猛盛因是得下法

治因火大頭痛眼痛耳聾法 治入地三昧見不

祥事驚怖失心法 治風大法 初學坐者鬼魅

所著種種不安。不能得定。治之之法。尊者阿

此經雖云出阿舍部。而多有大乘法要。難所問

陰持入經二卷南孝北竭

後漢安息國沙門安世高譯

說五陰六入等法相。及說三十七品等。

五百弟子自說本起經一卷百孝

西晉月支國沙門竺法護譯

前二十九品。諸弟子各說本因。第三十品佛說九

惱本因。似未完

佛說光明童子因緣經四卷今南斯北夙

宋北印土沙門施護譯

王舍城善賢長者妻懷妊。長者問佛。佛記其生男。

受天福。出家證果。長者悞信外道語。以毒藥摩妻

腹。妻死。焚之。佛與大眾往視。子從火中坐蓮華生。

佛命頻婆娑羅王。取以為子。後仍歸長者家。能辨

白麤新舊。受天福樂。畏阿闍世。遂求出家證果。佛

為比丘說其夙因。

摩登伽經二卷南善北慶

吳天竺沙門竺律炎共支謙譯

度性女品第一。說一呪護阿難。又說六句神呪。

明往緣品第二。帝勝伽欲聘蓮華實女為息。示  
真實品第三。破五祠邪。示真菩提法。眾相問品

第四。帝勝伽說三章二十一。句呪。三章八句呪。

說星圖品第五。說二十八宿事。觀災祥品第六

之一。說人生所逢星紀善惡之相。六之二。說月

在眾星所應為事及地動等吉凶。明時分別品

第七。說四時晝夜長短等法。及出古今風習因緣。

舍頭諫經一南善卷北慶

西晉月支國沙門竺法護譯

此云虎直阿難昔名也。即摩登伽經異出。

摩鄧女經二紙餘慶

後漢安息國沙門安世高譯

為此女說眼鼻口耳聲步不淨而證果

摩鄧女解形中六事經二紙餘慶

附東晉錄

同上 二經皆摩登伽經第一品異出

佛說柰女耆域因緣經一卷一南慶北尺

後漢安息國沙門安世高譯

說柰女生柰樹上。後與萍沙王生耆域為世名醫

治種種奇病。并出往因。

佛說柰女耆婆經卷一 南慶北尺

後漢安息國沙門安世高譯

與上經同而文稍略。

佛說福力太子因緣經上中下合卷 南馨北夙

宋北印土沙門施護譯

阿難聞二百億阿尼樓陀舍利子各言色相精進

工巧智慧行業多獲義利以問世尊佛言智慧為

最勝而修福因又為極勝即說往時眼力王四子

及最後一子事。

佛說業報差別經卷一 南與北當

隋洋川郡守瞿曇法智譯

佛在舍衛國祇園為力提耶子首迦長者說一切

眾生繫屬於業依止於業隨自業轉因廣明一切

業各有十種最為詳明。

佛說輪轉五道罪福報應經四紙 南孝北當

劉宋中天竺沙門求那跋陀羅譯

佛在迦維羅大樹下說罪福報應慈悲懺法中廣

引之。

佛說十八泥犁經五紙 敬

後漢安息國沙門安世高譯

說十八地獄受苦及壽命長遠

雜藏經 八紙 南善 北璧

東晉平陽沙門釋法顯譯

前半皆鬼問自連答後半更有多種因果又有現  
在國王出家等種種緣又一華獻佛羅漢及彌勒  
亦不知其果報邊際俟成佛乃知之

鬼問目連經 三紙 南善 北璧

後漢安息國沙門安高譯

出雜藏經

△餓鬼報應經 六紙 南善 北璧

失譯人名附東晉錄

與上經同而多幾則

佛說十二品生死經 半紙 南孝 北當

劉宋中天竺沙門求那跋陀羅譯

從聖至凡生死有十二品不同以勸誠人

佛說淨意優婆塞所問經 四紙 南斯 北夙

宋北印土沙門施護譯

佛在祇園淨意來問長壽短壽乃至愚癡智慧八

種因緣佛具答之

無垢優婆夷問經 二紙 當

元魏中天竺婆羅門瞿曇般若流支譯

答掃佛塔地乃至禪四梵行歸戒功德差別并現舌相以決其疑。

阿難問事佛吉凶經五紙餘南善北慶

後漢安息國沙門安世高譯

佛答以持戒敬信則得吉毀犯輕慢則得凶復問答殺生及惡意向師向善人二種惡報復問答末世俗弟子理生之事阿難重頌請佛住世。

慢法經一紙南善北慶

西晉沙門釋法炬譯

阿難分別經四紙半南善北慶

乞伏秦沙門釋聖堅譯

皆阿難問事佛吉凶經同本

佛說分別善惡所起經一卷敬

後漢安息國沙門安世高譯

明十善十惡所有果報中明飲酒三十六失後有

偈頌善惡二報。

佛說較量壽命經八紙餘南力北則

宋中印土沙門天息災譯

說娑婆一切壽命長短之數

十二緣生祥瑞經上下南盡合卷北則

宋北印土沙門施護譯

以十二月一日各從一有支算起斷種種吉凶事。

後說十二生肖。

佛說處處經一卷敬

後漢安息國沙門安世高譯

似律中雜雜因緣

天請問經二紙餘當

唐大慈恩寺沙門釋玄奘譯

說福非火所燒少欲最安樂等共九問九答皆切

於開示眾生者。

佛說分別緣生經一紙餘南清北薄

宋中印土沙門法天譯

佛初成道思念世間苦樂諸法無有能了知者梵

王便來證成佛更爲梵王說十二緣生之法。

嗟鞮曩法天子受三歸依獲免惡道經三紙餘南力北則

宋中印土沙門法天譯

天子應墮豬身帝釋教以三歸乃生兜率陀天。

佛說出家功德經四紙餘當

失譯人名附三秦錄

佛聞鞞羅羨那王子樂音記彼七日命終阿難勸令一日一夜出家命終之後七返生六欲天當得辟支佛道阿難因問放人出家之福障人出家之罪佛具答之

佛說大迦葉本經四紙 南孝 北當

西晉月支國沙門竺法護譯

佛為大迦葉說制心法

佛說龍王兄弟經二紙 南尺 北敬

吳月支國優婆塞支謙譯

即日連降伏二龍事

佛說羅云忍辱經二紙 南孝 北當

西晉沙門釋法炬譯

因羅云受打佛乃廣讚忍辱之道

佛說梵摩難國王經一紙 當

失譯人名附西晉錄

王子均鄰儒出家證果為父說法亦證初果佛因勅眾僧臨飯時說僧跋僧跋者眾僧飯皆悉平等

佛說普達王經三紙 當

失譯人名附西晉錄

夫延國王禮沙門足諸臣諫之王命覓一切頭賣

之。惟人頭不可賣。乃至丐者亦不肯受。因勸人生信心。遙請佛來國說法。佛并說其夙緣。

佛說末羅王經

一紙餘

南孝北當

劉宋居士沮渠京聲譯

為移石人說四力。一精進力。二忍辱力。三布施力。四父母力。又生老病死。為四力。

佛說摩達國王經

一紙南孝北當

劉宋居士沮渠京聲譯

羅漢比丘以宿業。為王養視官馬。七日後現神通。化王歸佛。證初果。

佛說旃陀越國王經

二紙半餘

南孝北當

劉宋居士沮渠京聲譯

王小夫人懷孕。大夫人以金賂婆羅門。譖殺埋之。兒於塚中得產。其母半身不朽。飲乳三年。至六歲時。佛度出家。證阿羅漢。乃以神通。化其父王令歸三寶。佛因具說夙緣。無數人間之得道。

萍沙王五願經

六紙

壁

吳月支國優婆塞支謙譯

先敘萍沙王五願。後敘弗迦沙王出家。宿窠家。佛夜為說法。證三果。次日命終。

佛說五王經四紙餘當

失譯人名附東晉錄

五王共相友善。四王各說世樂。惟普安王說出世樂。因引四王見佛。佛為說世間八苦。遂同出家修道。

犍陀國王經一紙餘敬

後漢安息國沙門安世高譯

婆羅門譖殺毀樹者。牛不害折角者。王乃從此信佛。佛因說其往因。

未生怨經三紙欠敬

吳月支國優婆塞支謙譯

說瓶沙王受害事。與律中大同小異。

瑠璃王經六紙璧

西晉月支國沙門竺法護譯

說滅釋種墮地獄始末。

阿闍世王問五逆經四紙餘  
南尺北敬

西晉沙門釋法炬譯

預記王當一墮獄。即出。二十劫不墮三惡道。最後成辟支佛。名無穢。

閱藏知津卷第三十

閱藏知津卷第三十一

北天目沙門釋智旭 彙輯

小乘經藏之六

佛說解憂經

三紙

南深

宋中印土沙門法天譯

先有偈讚。偈述次長行。乃佛在祇園為諸比丘說

一切無常。應求解脫

佛說無上處經

半紙

當

失譯人名附東晉錄

即指三寶為三無上處。

佛說無常經

三紙

南當北孝

唐大薦福寺沙門釋義淨譯

說老病死。三法不可愛。經前有偈讚。偈述絕妙。經後有五言偈頌。七言呪願頌。并臨終方訣。二紙。

佛說信解智力經

五紙

南興北臨

宋中印土沙門釋法賢譯

說佛五力十力。

佛說四無所畏經

二紙

南履北臨

宋北印土沙門施護譯

佛在祇園說四無畏。及八大眾中無畏。

佛說四品法門經

四紙

南思北斯

宋中印土沙門法賢譯

佛在祇園阿難請問世間所有驚怖等事。愚人所  
有智者即無。佛言。愚人不了界法。不了處法。不了  
緣起法。不了處非處法。智人善了此四品法。

佛說法乘義決定經

上中下合卷

南言北之

宋西夏沙門金總持等譯

佛在祇園有一比丘名甚深勇猛。請問鹿野苑中  
所說法乘決定之義。佛為廣說五蘊。五取。十二處。  
十八界。十二緣生。四聖諦。二十二根。五三摩地。四

禪。四無色定。四無量心。四三摩地。四念處。四正斷。四神足。五根。五力。七覺支。八聖道。十六心念。四果。十力。四無所畏。四無礙辯。十八不共法。三十二相。及行所感八十種好。

佛說決定義經

九紙半

南溫北薄

宋中印土沙門法賢譯

佛在祇園。為諸苾芻說五蘊。五取蘊。十八界。十二處。十二緣生。四聖諦。二十二根。如來十力。四無所畏。四禪定。四無色定。四無量行。四無礙智。四三摩地。想及三十七品。

佛說廣義法門經

八紙欠

出中阿含一品

南福北緣

陳優禪尼國沙門真諦譯

舍利弗為比丘說十二離難隨順道時。當為如理而說。聽法之人。具十六相。心得清淨。十法成熟。般若。十相應法。十四違障不淨想。六障無常苦想。十一障生光明想。三多恩德。十四於不淨觀多恩德。二十勤修障。十一於伏滅障多恩德。二十多恩德。二十二時處當觀。七相能滿。二十種行未得道者。當為恐意。二十種行。速得依住。十一障礙法為難。十勝智。十三喜樂依止法。依四法行。令五法滿。能

滅八刺得無學十法

佛說普法義經七紙餘緣

後漢安息國沙門安世高譯

與上經同而文苦澀

佛說海八德經二紙餘南尺北壁

姚秦天竺沙門鳩摩羅什譯

因牽犯戒者出為眾說八法如大海阿含及律俱有之

佛說法海經二紙半南尺北壁

西晉沙門釋法炬譯

與上經同

佛說身毛喜豎經三卷南作卷半北作一卷南馨北風

宋譯經院沙門惟淨等譯

善星捨離佛法以多種緣謗佛法僧舍利子聞之

白佛佛為廣說佛法所謂九次第定十力四無畏

等及說樹不證果之相龍護尊者請名奉持

黑氏梵志經二紙半敬

吳月支國優婆塞支謙譯

閻羅王聽梵志說法悲其七日當死死當墮落梵

志懼而見佛證果

長爪梵志請問經二紙餘當

唐大薦福寺沙門釋義淨譯

佛為梵志說八支戒所獲佛身果報。梵志遂受八支齋戒。

佛說婦人遇辜經 一紙 孝

乞伏秦沙門釋聖堅譯

婦人親戚一時亡絕。見佛得道。

須摩提長者經 七紙 一名會諸佛前亦名敬

吳月支國優婆塞支謙譯

長者子死痛苦。佛說一切法無常。以開喻之。

盧至長者因緣經 一卷 當

失譯人名今附東晉錄

長者生平最慳。節會日飲醉自歌。帝釋化作相似人以惱亂之。乃令見佛證初果。

佛說耶祇經 一紙 南孝

劉宋居士沮渠京聲譯

迦奈國婆羅耶祇捨外道歸佛。受五戒不能持。向佛還戒。佛默不答。有五鬼神來競害之。佛放光救令得蘇。懺悔更受戒。即得初果。仍出家證四果。

佛說貧窮老公經 二紙 南尺

劉宋沙門釋慧簡譯

年百二十。而甚貧窮。欲來見佛。釋梵斷之。佛令阿難喚來。說其夙因。出家證果。

佛為阿支羅迦葉說。自他作苦經一紙半 敬

後漢安息國沙門安世高譯

為說苦非自作。他作共作。無因作。見諦得道。牛觸死。入滅。

佛說長者音悅經三紙餘 南尺 北敬

吳月支國優婆塞支謙譯

長者得四吉祥。佛往歎之。令其植福。後得四不吉祥。尼犍往歎。乃得痛打。佛因說其夙緣。

佛說鬼子母經三紙欠 當

失譯人名附西晉錄

鬼子母喜盜食人間兒子。佛令比丘取其多子藏之。化令見佛受法。立願保護世間。

佛說孫多耶致經二紙欠 當

吳月支國優婆塞支謙譯

梵志自謂日三浴。噉果飲水。行勝沙門。佛為說二十一惡行。不得受好衣食。及說洗心垢法。彼即出家得道。

佛說八師經三紙餘 南尺 北敬

吳月支國優婆塞支謙譯

梵志邪旬問佛何師。佛以八師答之。殺盜邪淫。妄語飲酒。老病死。

佛說九橫經紙一當

後漢安息國沙門安世高譯

一不應飯為飯。乃至九可避不避。皆招橫死。慧人當識當避。

佛說沙曷比丘功德經紙二南孝北當

西晉沙門釋法炬譯

即莎伽陀比丘也。佛讚說其降龍功德。并非實醉。

有似大乘發迹顯本之意

佛說得道梯墜錫杖經紙五附佛說持南尺北敬

失譯人名附東晉錄

此與律制錫杖迥異。已於毗尼集要杖法中略辯之。

佛說呵鵬阿那含經紙一孝

東晉西域沙門竺曇無蘭譯

佛讚呵鵬優婆塞有八事而不欲人知。

佛說燈指因緣經紙八孝

姚秦天竺沙門鳩摩羅什譯

說長者子燈指先富中貧後又大富皆由宿因。

佛說五無返復經 二紙 南孝 北當

劉宋居士沮渠京聲譯

羅閱祇梵志遊學舍衛國見耕者子死而父不哭

乃至舉家不哭問佛決疑

佛說五無返復經 二紙 南孝 北當

此經與竺本前後異同義理俱好。故依竺本重出竹堂講主校定。

長者子懊惱三處經 二紙 敬

後漢安息國沙門安世高譯

說長者子於天中。人中。龍中。一時令三處哭泣。

五母子經 一紙 南善 北慶

吳月支國優婆塞支謙譯

沙彌憶五世令母哭事而笑。

沙彌羅經 一紙 慶

失譯人名。安公云。關中異經。

與上經同

佛說梅檀樹經 二紙 當

失譯人名附漢錄

窮人依梅檀樹神得活。後報王伐此樹身死樹下。

佛微笑放光說其夙緣。

佛說佛大僧大經

五紙半

南孝北當

劉宋居士沮渠京聲譯

王舍國有富者名爲厲。求生二子。一名佛大。二名僧大。僧大出家。佛大貪其弟婦。弟婦不從。佛大遣賊往殺僧大。僧大臨死。截四肢。得四果。弟婦哭死。得生天。佛大遂墮地獄。

阿鳩留經

三紙

敬

後漢失譯人名出僧祐錄古典經

賈客阿鳩留不信後世。於曠野樹下得遇豪薜荔。乃深信因果。勤行布施。後得生天。然不如施迦葉

者。

佛說頌多和多耆經

一紙餘

當

失譯人名附西晉錄

梅檀調弗天啟請於佛。佛爲諸弟子說布施八事。及說愚人不知布施有十因緣。

佛說越難經

一紙半

南尺北敬

西晉清信士聶承遠譯

越難長者大富而慳。死作盲乞兒。乞食至其家。爲子所打。佛因之說偈。

佛說摩訶迦葉度貧母經

四紙欠

孝

劉宋中天竺沙門求那跋陀羅譯

迦葉度最貧母生天。天帝釋化作貧人以供迦葉。

佛說布施經二紙  
南臨北則

宋中印土沙門法賢譯

佛在給孤獨園說三十七種布施感果不同并為

國王說布施及十善法。

佛說五大施經十行  
南思北之

宋北印土沙門施護等譯

能持五戒是為五種大施。

佛說四天王經二紙  
欠 孝

劉宋枳園寺沙門釋智嚴共寶雲譯

說六齋日四王下巡人間善惡而生喜感。

佛說出家緣經一紙  
餘 敬

後漢安息國沙門安世高譯

為難提優婆塞說犯五戒過前四事各十惡。飲酒

三十五惡。

孝子經二紙  
欠 敬

失譯人名

明供養不若勸親為善去惡。

佛說進學經十七行  
南尺北敬

劉宋居士沮渠京聲譯

一孝順。二仁慈。三惠施。四捨俗。又聖默然。及聖說法。又財法二施。法施為最。

佛說賢者五福經一紙當

西晉河內沙門白法祖譯

明說法得五種福。一長壽。二大富。三端正。四名聞。五聰智。并出其因。

佛說解夏經二紙南溫  
餘北深

宋中印土沙門法賢譯

佛向舍利弗等問三業可忍。舍利弗亦向佛求可

忍。并為五百比丘求可忍。尊者囑儼舍說伽陀讚。

佛說蟻喻經二紙南淵  
欠北斯

宋北印土沙門施護譯

佛放大光普照。告諸苾芻。於一時中。有諸蟻聚。夜中出煙。晝日火然。婆羅門見。乃作是言。若有執持快利刀者。必能破散其聚。次復見龜。見諸蟲等。皆作是言。乃至最後見一大龍。托一苾芻。問我。我為彼言。蟻聚即是五蘊。煙即尋伺。火即身語二業。龜即五障染法。蟲等即是忿恚。慳嫉。五欲。無明。疑惑。我慢。龍者。即阿羅漢。婆羅門者。即是如來。快利者。

即有智人。刀者。即是智慧。破散者。即發起精進勝行。

佛說自愛經 四紙 南孝 北當

東晉西域沙門竺曇無蘭譯

佛受舍衛國王四街道請說三種自愛之法。有兩商人見之。一人心念讚佛。一人心念毀佛。毀者隨即轢死。讚者尋得作國王。請佛至其國內供養。佛為說最重五罪。一不忠孝。二惡心向羅漢。三謗佛。四破僧。五毀盜三寶物。

佛說罵意經 十三紙 餘 敬

後漢安息國沙門安世高譯

多似律中語。及雜說一切善惡法。

佛說堅意經 一紙 南尺 北當

後漢安息國沙門安世高譯

囑比丘。雖受人謗。當如水火。又囑人一心聽經。

佛說佛治身經 一紙 南宜 北既

失譯人名。今附西晉錄

說當學工語。不離法行。

佛說佛醫經 三紙 南終 北明

吳天竺沙門竺律炎共支越譯

說人身中四大得病因緣及九橫四飯食多五罪財屬五家。

佛說治意經 一紙 南宜 北既

失譯人名今附西晉錄

說安般守意

佛說大魚事經 一紙 餘 孝

東晉西域沙門竺曇無蘭譯

借大魚勅小魚以喻大比丘囑小比丘若小比丘不守根門如彼小魚隨線就死。

佛說法受塵經 半紙 餘 敬

後漢安息國沙門安世高譯

誠諸男勿染女女勿染男。

佛說阿含正行經 三紙 欠 敬

後漢安息國沙門安世高譯

說五陰為賊五根相欺及說十二因緣誠持五戒修四念處得度五道。

佛說所欲致患經 四紙 半 南尺 北敬

西晉月支國沙門竺法護譯

佛為比丘代答外道之問

佛說八無暇有暇經 三紙 餘 南當 北孝

唐大薦福寺沙門釋義淨譯

有八無暇。一。地獄。二。餓鬼。三。畜生。四。長壽天。五。邊地。六。聾瘡。七。邪見。八。無佛世。惟一有暇。可修道業。誠人勿致後悔也。

佛說譬喻經 紙一 當

唐大薦福寺沙門釋義淨譯

佛為勝光王說空井樹根。二鼠。四蛇。毒龍。蜜滴。蜂螫。火燒之喻。

四願經 四紙 敬

吳月支國優婆塞支謙譯

為純陀說人間四願。皆不可保。復說思想。識等法門。前後文不相蒙。頗似錯簡。

佛說四自侵經 四紙 南孝 北當

西晉月支國沙門竺法護譯

先說夙夜不學。老不止姪。得財不施。不受佛言。為四自侵。次說一切警策之語。

佛說諸行有為經 紙一 南力 北忠

宋中印土沙門法天譯

佛在給孤獨園。說一切行遷流。乃至佛亦不免棄捨此身。

佛說木槌經一紙 當

失譯人名附東晉錄

波瑠璃國王遣使求佛法要佛示以木槌百八稱

佛陀達磨僧伽名并分別功德淺深

佛說醫喻經一紙 南馨北夙

宋北印土沙門施護譯

說醫王有四種法王亦爾說四諦法

佛說中心經四紙 與阿含正行 孝

東晉西域沙門竺曇無蘭譯

先由目連神通化彼移山梵志令得信心佛乃為

說五賊五欺諸法

佛說身觀經二紙 南當北孝

西晉月支國沙門竺法護譯

說身不淨無可愛樂後附偈頌七言七首五言

十首皆妙絕

佛說禪行三十七品經二紙 南當北孝

後漢安息國沙門安世高譯

明少時修三十七品亦非愚癡食人信施何況能

多

禪行法想經半紙 敬

後漢安世國沙門安世高譯

一彈指間思惟死想等。不是愚癡食人信施。

佛說新歲經四紙當

東晉西域沙門竺曇無蘭譯

坐夏既畢。佛集眾僧各相懺悔。諸天與供偈歎。

佛說時非時經二紙南孝北當

西晉外國沙門若羅嚴譯

分別十二月各有時與非時。

佛說護淨經二紙當

失譯人名附東晉錄

因見大池中蟲。乃說食不淨食之報。并示護淨之

法。亦明齋法。得六十萬世餘糧。

似結集家結撮語

佛說因緣僧護經一卷南當北竭

失譯人名今附東晉錄

龍變形受具戒。佛遣之歸。五百商人入海。請僧護

為說法師。逮至海中。龍王乞去。授四龍子四阿含

經。商人還時。僧護出海。同還。路中相失。見地獄中

五十六事。次至五百仙人處。寄宿一夜。度令證果。

還來見佛。問佛因緣。佛一一答之。

比丘避女惡名欲自殺經一紙  
南當

西晉沙門釋法炬譯

比丘因惡名欲往林中自殺。正住天神說偈曉之。即得道。

阿難同學經二紙  
南緣

後漢安息國沙門安世高譯

掘多比丘思返俗。阿難啟佛開示之。證果入滅。

佛說月喻經二紙  
南馨

宋北印土沙門施護譯

說比丘法及讚迦葉。

佛說灌頂王喻經一紙  
南馨

宋北印土沙門施護譯

說王有三時受灌頂法。常所思念。苾芻於出家淨法眼。盡漏三時亦常思念。

佛說比丘聽施經二紙  
當

東晉西域沙門竺曇無蘭譯

聽施比丘不樂法。佛方便為說曉道徑不曉道徑之喻。

佛說見正經五紙  
孝

東晉西域沙門竺曇無蘭譯

見正比丘疑無後世。佛借大樹作喻說法。乃至為

說種種譬喻。除其斷常之見。

佛說略教誡經一紙當

唐大薦福寺沙門釋義淨譯

讚少欲知足。訶惡比丘三種不善思惟。

佛說父母恩難報經一紙當

後漢安息國沙門安世高譯

與孝子經大同小異。可並流通。

佛說淨飯王般涅槃經五紙南尺北當

劉宋居士沮渠京聲譯

佛及難陀阿難羅云親送淨飯王喪。以彰孝道。

獬狗經一紙敬

吳月支國優婆塞支謙譯

說受戒而嫉妬其師者。如獬狗還嚙其主。及說不

如法授戒。反入泥犁。

佛說羣牛譬經一紙當

西晉沙門釋法炬譯

以羣牛譬好比丘。以驢譬惡比丘。

佛為年少比丘說正事經一紙南孝北當

西晉沙門釋法炬譯

因上座比丘如法攝受年少比丘佛讚歎之

分別經四紙餘敬

西晉月支國沙門竺法護譯

有受戒而得福有受戒而反墜有三輩事佛之不同及說支那國非法者多翻在魔部等

佛說阿難七夢經一紙欠孝

東晉西域沙門竺曇無蘭譯

佛為阿難解釋七夢皆應五濁惡世之事

阿難四事經三紙敬

吳月支國優婆塞支謙譯

一慈心俯育人畜二悲心周給窮苦三不食肉持

五戒四敬沙門行此四事如供佛無異

佛說五苦章句經十二紙欠一名淨除罪蓋南尺娛樂佛法經北當

東晉西域沙門竺曇無蘭譯

一說五道若二說八惡處三說十二重城三棘籬

六賊等四說諸重擔五說香臭二木喻及說四生

四諦等又說五天使者等

佛說月光菩薩經五紙欠南臨北盡

宋中印土沙門法賢譯

佛在竹林精舍因舍利弗目犍連先入滅度為諸

比丘說月光王捨頭因緣。

未曾有因緣經

卷三 南彼北靡

蕭齊沙門釋曇景譯

舍利弗為和尚。目犍連為阿闍梨。度羅睺羅作沙彌。不樂聽法。因波斯匿王為說野干墮井本緣。明聽法功大。次為王授十善法。次說四擔輦石女往。因次聽五百比丘還戒。次諭羅睺羅修學智慧。次為祇陀說五戒開遮方便。亦為波斯匿王說末利夫人功德。次教令以十善道展轉教化。如一燈然無量燈。名報師恩。名報三世佛恩。

此經雖說發菩提心。六度。四等。十善化人。無生法忍等事。而依生滅四諦說法。故屬阿含。

除恐災患經

卷一 南罔北短

乞伏秦沙門釋聖堅譯

佛住王舍城。維耶離大疫。請佛往救。受才明長者家十六日供。次受奈女供。廣說佛受寶蓋往因。才明眷屬往因。奈女往因。

佛說孛經

卷一 亦云孛 南忘北彼

吳月支國優婆塞支謙譯

佛住祇園。有孫陀利女之謗。至第八日。卑先匿王

察知其情。佛乃為說。往昔行菩薩道時。其名曰孛。身為國師。受四臣及夫人謗。久後方明。今復如是。

天王太子辟羅經一紙  
南賢北景

安公關中異經。今附秦錄。

太子自說。昔為國王。欲造大鼓。智臣為行施事。

佛說八大靈塔名號經一紙  
南夙北臨

宋中印土沙門法賢譯。

生處 成道處 轉法輪處 現神變處 從初

利下處 化度分別僧處 思念壽量處 入涅

槃處

佛說溫室洗浴眾僧經三紙  
南莫北短

後漢安息國沙門安世高譯。

耆域請佛及僧洗浴。佛言。當用七物。除去七病。得

七福報。

諸德福田經五紙  
南忘北彼

西晉沙門釋法立法炬同譯。

帝釋問良田。佛以五淨德名曰福田。即沙彌五德

也。又七法廣施。名曰福田。謂興立佛圖等。於是四

比。一比丘。天帝釋。及如來。各說宿行所得果

報。

佛為海龍王說法印經

半紙 南賢北景

唐大薦福寺沙門釋義淨譯

即無常苦無我寂滅四印也

賓頭盧突羅闍為優陀延王說法經

七紙 南甚北墳

宋天竺三藏求那跋陀羅譯

賢愚因緣經

十三卷 南誠美北左達

元魏涼州沙門釋慧覺等譯

雜譬喻品第一

梵天請法六事

摩訶薩埵以身施虎緣

品第二 二梵志受齋緣品第三 波羅奈人身

質供養緣品第四 海神難問船人緣品第五

恆伽達緣品第六 須闍提緣品第七 波斯匿

王女金剛緣品第八 金財因緣品第九 華天

因緣品第十 寶天因緣品第十一 羸提婆羅

因緣品第十二 慈力王血施緣品第十三 降

六師緣品第十四 鋸陀身施緣品第十五 大

光明王始發道心緣品第十六 摩訶斯那優婆

夷緣品第十七 出家功德尸利苾提緣品第十

八 此云福增其年百歲 沙彌守戒自殺緣品第十九 長

者無耳目舌緣品第二十 貧人夫婦毳施得現

報緣品第二十一 迦旃延教老母賣貧緣品第

二十二 金天緣品第二十三 重姓緣品第二十四 散檀寧緣品第二十五 月光王頭施緣品第二十六 快目王眼施緣品第二十七 五百盲兒往返逐佛緣品第二十八 富那奇緣品第二十九 尼提度緣品第三十 大劫賓寧緣品第三十一 微妙比丘尼緣品第三十二 耆彌七子緣品第三十三 設頭羅健寧緣品第三十四 阿輸迦施土緣品第三十五 七瓶金施緣品第三十六 差摩現報緣品第三十七 蓋事因緣品第三十八 往古王名也 大施抒海緣品

第三十九 阿難總持緣品第四十 優婆斯兄所殺緣品第四十一 兒誤殺父緣品第四十二 須達起精舍緣品第四十三 大光明始發無上心緣品第四十四 勒那闍耶緣品第四十五 迦毗梨百頭緣品第四十六 淨居天請洗浴緣品第四十七 摩訶令奴緣品第四十八 善求惡求緣品第四十九 善事太子入海緣品第五十 無惱指鬘緣品第五十一 檀膩鞞緣品第五十二 貧女難陀緣品第五十三 師質子摩頭羅瑟質緣品第五十四 檀彌離緣品第五

十五 象護緣品第五十六 波婆梨緣品第五十七  
 二鸚鵡聞四諦緣品第五十八 鳥聞比  
 丘說法生天緣品第五十九 五百雁聞佛法生  
 天緣品第六十 堅誓師子緣品第六十一 梵  
 志施佛納衣得授記緣品第六十二 佛始起慈  
 心緣品第六十三 頂生王緣品第六十四 蘇  
 曼女十子緣品第六十五 婆世躡緣品第六十  
 六 優婆鞠提緣品第六十七 汪水中蟲緣品  
 第六十八 沙彌均提緣品第六十九

雜寶藏經 八卷 南業 北既

元魏西域沙門吉迦夜共曇曜譯


十奢王緣第一。王子以肉濟父母緣第二。等共集  
 一百二十一緣。勸人作福持戒。出生死。成菩提。

撰集百緣經 十卷 南慎 北承

吳月支國優婆塞友謙譯

菩薩授記品第一 報應受供養品第二 授記  
 辟支佛品第三 出生菩薩品第四 餓鬼品第  
 五 諸天來下供養品第六 現化品第七 比  
 丘尼品第八 聲聞品第九 諸緣品第十 每  
 品十緣。故有百緣。

閱藏知津卷第三十一



閱藏知津卷第三十二

北天目沙門釋智旭 彙輯

大乘律藏

述曰。大乘律法。雜在方等諸經。不同聲聞別部。獨行。今於經中。取其扶律義居多者。或是全部。或一品一章。別標如左。

佛說梵網經

二卷

有僧肇序

南攝北安

姚秦天竺沙門鳩摩羅什譯

菩薩心地品上。釋迦於第四禪。接眾歸蓮華藏。請問盧舍那佛。廣說三十心十地法門。菩薩心地

品下。釋迦示成佛道。十處說法之後。即於菩提樹下。結示十重四十八輕戒法。

此經本與華嚴同部。今惟此品單行。故南北二藏皆歸於律。

菩薩瓔珞本業經

卷二

南職北篤

姚秦涼州沙門竺佛念譯

集眾品第一。佛重遊道場樹下。放四十二光。集十首菩薩從十林刹。十精進佛所來。及集一切諸天眾等。賢聖名字品第二。說十住。十行。十迴向。十地。等覺。妙覺。名字。皆華梵雙舉。又說住前十心。信。

念。精進。定。慧。戒。迴向。護法。捨願。又說二十四願偈。亦說十不可悔戒。賢聖學觀品第三。謂十住名習種性。十行名性種性。十向名道種性。十地名聖種性。次等覺性。次妙覺性。又名六堅。又名六忍。又名六慧。又名六定。又名六觀。又名六寶瓔珞。一銅寶。二銀寶。三金寶。四琉璃寶。五摩尼寶。六水精寶。并說六位所修諸行。釋義品第四。仍釋前十信。及四十二位之義。佛母品第五。答敬首菩薩問。二諦義。并說小中大劫差別。因果品第六。明十波羅密。各有三緣。及說七財。四攝。四辯。四依等為。

因二種法身為果。大眾受學品第七。佛復放光集眾。囑交殊及善財等七大菩薩各領大眾受學。因分別三種受戒。及受戒儀式。由受戒故。次第入於住。行。向。地。等妙覺中。集散品第八。三勸大眾發菩提心。乃至再囑須受菩薩戒已。方可為說此大法門。

此亦仍似華嚴部攝。智者大師依此判別圓位次。今因始終申明十重戒法。故南北皆歸律藏。

菩薩善戒經 卷九 一名菩薩地 南仕攝 北辭

劉宋中天竺沙門求那跋摩等譯

序品第一。與寶積中決定毗尼經同。善行性品

第二。發菩提心品第三。利益內外品第四

真實義品第五。不可思議品第六。調伏品第

七。菩提品第八。菩提力性品第九。施品第

十。戒品第十一。忍品第十二。精進品第十

三。禪品第十四。慧品第十五。輒語品第十

六。供養三寶品第十七。三十七助道品第十

八。助菩提數法餘品第十九。功德品第二十

如法住菩薩相品第二十一。如法住禪品第

二十二。如法住定心品第二十三。如法住生

菩薩地品第二十四 如法住畢竟地生品第一

畢竟地攝取品第二 畢竟地畢竟品第三

畢竟地行品第四 畢竟地三十二相八十種好

品第五 畢竟地住品第六 明十力四無畏等後

有優波離問結經名

十從第二品以下並與瑜伽師地論中菩薩地同

意彌勒菩薩宗此經成地論而地持一經又從

地論錄出別行故仍與此大同也

菩薩善戒經

一卷連前經

優波離問菩薩受戒法

明六重八重及四十八輕即上經戒品中別出與

菩薩戒本及羯磨文大同小異

佛說受十善戒經

一卷南職北篤

開元錄拾遺單本

十惡業品第一佛為舍利弗說十惡業名并示以

授十善戒法身三口四意三三番歸依而受次授

八戒齋法十施報品第二頌歎不殺功德次說

殺生十報略歎不盜功德次說偷盜十報讚歎不

姪有五功德次說姪有十過頌歎不妄語等功德

次說口四過惡業

佛說十善業道經

五紙

南從北初

唐于闐國沙門實叉難陀譯

佛為海龍王說一切法靡不由心。應修十善。遂廣明十善功德。及攝一切佛法。

即方等部海龍王經中一品

△佛為娑伽羅龍王所說大乘法經八紙 南命北盡

宋北印土沙門施護譯

與十善業道經同

文殊師利問經卷二 染

蕭梁扶南國沙門僧伽婆羅譯

序品第一。佛住耆闍崛山與比丘菩薩眾俱。菩

薩戒品第二。與沙彌十戒同。不可思議品第三。

明如來不入涅槃。無我品第四。涅槃品第五。

般若波羅密品第六。有餘氣品第七。來去

品第八。中道品第九。世間戒品第十。亦即沙

彌十戒。出世間戒品第十一。明菩薩七聚。上

出世間戒品第十二。觀第一義也。菩薩受戒品

第十三。發菩提心也。字母品第十四。分別部

品第十五。明佛滅後僧祇上座二部。共出二十部。

皆是大乘出。無是亦無非。雜問品第十六。設為

外道種種邪難求佛解釋。囑累品第十七。既囑

累已復廣明在家過患。出家功德。次明念佛三昧。得見餘世界佛。次明用供養華呪法。

佛說菩薩內戒經

卷一 南從北言

劉宋中天竺沙門求那跋摩譯

佛以十五日說戒時。文殊請問初發意道俗菩薩當作何功德。佛為說十二時戒法。一歸依懺悔。誓行六度。發三願。及行十法則。二受四十七戒。三受佛法身般若各二十因緣。四受二十因緣行之。自知宿命。五受四禪法。六受般若三昧法。七受菩薩三昧法。八受月三昧。平心行之。九六根去惡為善。以六度教化一切。十外如地內如水。十一願一切眾生各得其樂。十二修六妙門。不住三乘果。次說十住菩薩各有十功德。

文多梵語頗難解會

佛藏經

卷四 南職北篤

姚秦天竺沙門鳩摩羅什譯

諸法實相品第一。為舍利弗說。畫空等十喻。喻如來說一切法無生無滅無相無為。令人信解。倍為希有。念佛品第二。明無有分別無取無捨。是真

念佛。念法品第三。念僧品第四。淨戒品第

五。明破戒比丘。成就十憂惱。箭必墮惡道。淨法

品第六。明迦葉佛預記釋迦佛法中多受供養。故

法當疾滅。譬如諸盲為賊所誑。墮於深坑。往古

品第七。明大莊嚴佛滅後。眾分五部。一解正法者。

即今滿慈子。四說邪法者。又墮地獄。今出為調達

等。淨見品第八。明釋迦曾於過去歷侍多佛。以

有所得故。不獲受記。至錠光佛時。悟無生忍。乃得

受記。了戒品第九。明三種人不喜聞此經。一破

戒。二增上慢。三不淨說法。及貪著我者。次明白毫

相光一分。能供如法修道比丘。比丘不必愁慮。四

事。但當一心辦道。囑累品第十。具明末世不如

法事。并囑累竟。魔王憂惱啼哭。以佛預為之防。不

能破正法故。佛更說偈。以結前義。

優婆塞戒經

七卷 南攝北定

北涼中天竺沙門曇無讖譯

集會品第一。善生長者。述外道禮六方法。佛告以

六波羅密。兼示以一切法無性。發菩提心。持八重

六重。名出家在家菩薩。發菩提心品第二。悲

品第三。解脫品第四。三種菩提品第五。謂聲

聞菩提緣覺菩提諸佛菩提亦名從聞思修得

修三十二相業品第六 發願品第七 名義菩

薩品第八 義菩薩心堅固品第九 自利利他

品第十 自他莊嚴品第十一 二莊嚴品第十

二即福德智慧 攝取品第十三 受戒品第十

四明在家六重二十八輕戒須六月中淨四威儀

乃於二十僧中授之 淨戒品第十五明受戒後

種種法要三法四法等 息惡品第十六 供養

三寶品第十七 六波羅密品第十八 雜品第

十九具明布施如法不如法清淨不清淨事 淨

三歸品第二十 八戒齋品第二十一 五戒品

第二十二 尸波羅密品第二十三 業品第二

十四即十善十惡 羸提波羅密品第二十五

毗離耶波羅密品第二十六 禪波羅密品第二

十七 般若波羅密品第二十八

佛說法律三昧經 七紙 南從 北初

吳月支國優婆塞支謙譯

佛於摩竭提國先說十二白燒次為阿難說雖發

大意有四事墮落次因舍利弗自責昔非為說大

乘法要次為勇聲菩薩分別聲聞禪緣覺禪如來

禪五通仙人禪之不同。

清淨毗尼方廣經卷一  
南從北初

姚秦天竺沙門鳩摩羅什譯

佛住耆闍崛山寂調伏音天子思見文殊佛放白  
毫藏光從寶相佛國召來與十千菩薩俱文殊與  
天子問答第一義諦及彼土聲聞所證大法有四  
眾各五百人及五千天子因欲往彼土作聲聞眾  
而發大心得往生記又問答聲聞菩薩律行不同  
及種種法門因明菩薩住五無間成無上道謂從  
初發意中間大心大慈悲大捨分證滿證皆悉無

間直至成佛於是問答持此經眾義又總約大悲  
別約六度明煩惱成菩提義佛乃讚印及釋迦葉  
疑後文殊以神力教示彼土菩薩於此土眾生而  
發大願。

△佛說文殊師利淨律經卷一  
南從北言

西晉月支國沙門竺法護譯

與上經同分作四品而菩薩五無間以下諸文  
俱闕天子名寂順律音。

△寂調音所問經卷一  
一名如來所說清淨調伏經  
南從北定

劉宋沙門釋法海譯

亦同上經

佛說文殊悔過經

卷一

南從北定

西晉月支國沙門竺法護譯

佛在耆闍崛山新學菩薩狐疑所蔽有如來齊光

照耀菩薩為之請問文殊文殊為說懺悔勸助請

法興供迴向發願諸法彼等皆得無生法忍佛遙

聞而讚歎之

勸助即隨喜也

三曼陀魃陀羅菩薩經

六紙

南從北初

西晉清信士聶道真譯

序品第一佛在摩竭提國文殊問三曼陀跋陀羅

菩薩若人求菩薩道者當作何施行先總答之

悔過品第二願樂品第三即隨喜請勸品第

四法行品第五即迴向譬福品第六

菩薩藏經

九紙

南從北初

蕭梁扶南國沙門僧伽婆羅譯

佛在祇園舍利弗問懺悔隨喜勸請迴向之法佛

具答之初明十世界十佛令結壇受持後明過去

大光明聚如來時佛為竭伽陀天女受持此經即

轉女身若女人聞此如來名者即不更受女身

舍利弗悔過經

四紙

南從北初

後漢安息國沙門安世高譯

大乘三聚懺悔經

卷一

南從北定

隋北天竺沙門闍那崛多及笈多等譯

二經皆同上而悔過經文太略

佛說淨業障經

卷一

南職北篤

開元附秦錄

佛住毗舍離庵羅樹園無垢光比丘入城乞食被  
姪女所呪犯根本戒生大憂悔見文殊師利菩薩  
將至佛所佛為說無性之法發心得記因廣說淨  
業障法又說過去無垢光佛滅後有勇施比丘犯

根本戒得聞深法頓發大心今已成佛

佛說善恭敬經

六紙欠

南效北良

隋北天竺沙門闍那崛多譯

說教他功德及示事師軌式

佛說正恭敬經

四紙餘

南效北良

元魏北天竺沙門佛陀扇多譯

與上經同但示事師軌式

佛說大乘戒經

一紙欠

南履北臨

宋北印土沙門施護譯

佛在祇園說文簡義切最宜流通

菩薩戒羯磨文

五紙餘

南職北篤

彌勒菩薩說

唐大慈恩寺沙門釋玄奘譯

受戒羯磨第一

懺罪羯磨第二

得捨差別第

三

出瑜伽師地論

菩薩戒本經

一卷南職北篤

慈氏菩薩說

北涼中天竺沙門曇無讖譯

此即半月半月誦戒本也。此譯最善。

菩薩優婆塞五戒威儀經

一卷南從北言

劉宋中天竺沙門求那跋摩譯

與上經同。而後附有禮佛發願受繩牀等諸法。

△菩薩戒本

一卷有靜邁序

南職北篤

唐大慈恩寺沙門釋玄奘譯

與上經同。而中有開性罪之八條。

菩薩受齋經

二紙餘

南從北初

西晉清信士聶道真譯

先明三歸悔過。次明當護十念。次明有十戒。次明

解齋法。迴向淨土。

菩薩五法懺悔經

一紙半

南從北初

開元附梁錄

五悔各作偈語。而無序及流通。蓋西土聖賢撰述

也。觀谷中樹葉而無中及氣散蓋西土聖賢與也

閱藏知津卷第三十二

菩薩正海經卷第十一

觀世音菩薩普門品

世尊。三寶尊嚴。大願當護。十念大願。百十無大願。

西晉高僧士嘉法興等

菩薩受齋經

與止緣何而中有開對罪之八類

觀大慈恩寺沙門釋玄奘等

△菩薩戒本

閱藏知津卷第三十三

北天目沙門釋智旭彙輯

小乘律藏

述曰。毗尼一藏。元不局於聲聞。但大必兼小。小不兼大。今約當分。且屬聲聞。實則大小兩家之所共學。而菩薩比丘。紹佛家業。化他為務。尤不可不精通乎此也。

四分律藏 六十卷 南訓入奉母儀諸姑 北業所基籍甚無

姚秦罽賓國沙門佛陀耶舍共竺佛念譯

第一分比丘戒 二十卷

第二分比丘尼戒 受戒犍度 說戒犍度 共十卷

第三分安居犍度 自恣犍度 皮革犍度 衣

犍度 藥犍度 迦絺那衣犍度 拘睒彌犍度

瞻波犍度 訶責犍度 人犍度 覆藏犍度

遮犍度 破僧犍度 滅諍犍度 比丘尼犍

度 法犍度 共十卷

第四分房舍犍度 雜犍度 五百結集法 七

百結集毗尼 調部毗尼 毗尼增一 共十卷

四分戒本 卷一 南姑 北外

姚秦罽賓國沙門佛陀耶舍譯

四分戒本 卷一 前有 南姑 北外

唐西太原寺沙門釋懷素依律集出

比丘尼戒本 卷一 南叔 北外

唐西太原寺沙門釋懷素依律集出

曇無德律部雜羯磨 卷一 卷北 南姑 北受

曹魏天竺沙門康僧鑑譯

羯磨 卷二 出曇無 南姑 北婦

曹魏沙門釋曇諦集

四分比丘尼羯磨法 卷一 南姑 北卑

劉宋中天竺沙門求那跋摩譯

四分僧羯磨

三卷北作五卷

南子北卑

唐西太原寺沙門釋懷素集

尼羯磨

三卷北作五卷

南子北榮

唐西太原寺沙門釋懷素集

摩訶僧祇律

四十四卷北作四十六卷

南政存以甘棠北攝職從政存

東晉迦維羅衛國沙門佛陀跋陀羅共法顯

譯

初明四棄法

卷五

二明十三事

卷三

四明三十事

卷四

五明九十二事

卷八餘

六明四事

七明眾學事

卷八

八明滅諍法

治罪乃至一切僧中雜事

卷一

十威儀法

卷二

尼毗尼

卷五

波羅提木叉僧祇戒本

卷一

南貴北外

東晉迦維羅衛國沙門佛陀跋陀羅譯

比丘尼僧祇律波羅提木叉戒經

卷一

南婦北隨

東晉平陽沙門釋法顯共覺賢譯

彌沙塞部五分律

卷三十

南隨外受傳北而益詠

劉宋罽賓國沙門佛陀什共竺道生譯

初分比丘律

卷十

第二分尼律

卷四

第三分初受戒法

二布薩法

三安居法

四

自恣法 五衣法 六皮革法 七藥法 八食

法 九迦絺那衣法 共八卷

第四分初滅諍法 二 羯磨法 共二卷

第五分初破僧法 二 臥具法 三 雜法 四 威

儀法 五 遮布薩法 六 別住法 七 調伏法

八 毗尼法 明比丘尼受戒事 九 五百集法 十

七百集法 共六卷

五分戒本 亦云彌沙塞戒本 南棠北外

蕭梁建初寺沙門釋明徽集

五分比丘尼戒本 南叔北外

蕭梁建初寺沙門釋明徽集

彌沙塞羯磨本 一卷北 南叔 作二卷 北隨

唐天水沙門釋愛同錄

十誦律 五十八卷北 南去而益詠樂殊貴 作六十五卷 北誠美慎終宜令榮

姚秦罽賓國沙門弗若多羅共鳩摩羅什譯

初誦六卷 四事至三十事之前十事 第二誦七卷 三十事之後二十事

至九十事之前四十事 第三誦七卷 九十事之後五十事乃至七滅諍法

第四誦八卷 受具足法第一 布薩法第二 自

恣法第三 安居法第四 皮革法第五 醫藥

法第六 衣法第七

第五誦七卷。迦絺那衣法第一。俱舍彌法第二。

佛在俱舍彌時諸羯磨事 瞻波法第三 佛在瞻波國時諸羯磨事 苦切

羯磨法第四 梵云那般茶盧伽法 二篇悔法第五 順行

法第六 遮法第七 臥具法第八 諍事法第

九 廣明滅諍法

第六雜誦五卷 第七誦尼律五卷 第八誦增

一法四卷 第九誦優波離問四卷 第十善誦

四卷

十誦毗尼序 三南貴卷北婦

東晉罽賓國沙門卑摩羅叉續譯

十誦比丘戒本 一南傅卷北外

姚秦天竺沙門鳩摩羅什譯

十誦比丘尼戒本 一卷南傅北外

劉宋燉煌沙門釋法穎集出

大沙門百一羯磨法 一卷南叔北外

附宋錄

十誦羯磨比丘要用 一卷南叔北受

劉宋吳國沙門釋僧據依律撰出

薩婆多毗尼毗婆沙 八卷續一卷前有南氣北夫

附三秦錄

薩婆多毗尼摩得勒伽卷十 南懷北下

劉宋天竺沙門僧伽跋摩譯

已上皆屬十誦十誦雖云卽薩婆多實與薩婆多不全同也。

根本說一切有部毗奈耶卷五十一 南賤禮別尊卑北竟學優登仕

根本說一切有部苾芻尼毗奈耶卷二十 有御製序

南上和北貴賤

根本說一切有部毗奈耶雜事卷四十 南下睦夫唱北以甘棠去

根本說一切有部毗奈耶破僧事卷二十 南連枝北樂殊

根本說一切有部尼陀那卷五 目得迦卷五 南婦北睦

根本說一切有部百一羯磨卷十 南伯北和

根本說一切有部戒經卷一 南傅北初

根本說一切有部苾芻尼戒經卷一 南傅北隨

根本說一切有部毗奈耶尼陀那目得迦攝頌雜事

攝頌卷一 南比北唱

根本薩婆多部律攝卷十四 南兒孔北尊卑

尊者勝友造

根本說一切有部毗奈耶頌卷三 南比北婦

尊者毗舍佉造

已上十一律並唐大薦福寺沙門釋義淨譯

根本說一切有部出家授近圓羯磨儀軌卷一

南交  
北夫

苾芻習略法卷一南交  
北夫

二種並元帝師苾芻拔合思巴集

戒因緣經卷十南兄  
北上

姚秦涼州沙門竺佛念譯

解脫戒本經卷一有僧昉序  
出迦葉毗部南傳  
北初

元魏中天竺婆羅門瞿曇般若流支譯

善見毗婆沙律卷十八南弟同  
北禮別

蕭齊西域沙門僧伽跋陀羅譯

毗尼母經卷八亦名毗  
尼母論南交  
北唱

附秦錄

佛阿毗曇經卷二南交  
北唱

陳優禪尼國沙門真諦譯

舍利弗問經卷三南子  
北隨

東晉錄失譯人名

優波離問經卷一南叔  
北隨

劉宋中天竺沙門求那跋摩譯

佛說目連所問經卷二南盡  
北則

宋中印土沙門法天譯

犯戒罪輕重經一紙  
南比

後漢安息國沙門安世高譯

與上經同

迦葉禁戒經二紙  
南比

劉宋居士沮渠京聲譯

律二十二明了論卷一  
南孔

正量部佛陀多羅多法師造

陳優禪尼國沙門真諦譯

大比丘三千威儀卷二  
南孔

後漢安息國沙門安世高譯僧祐云失譯人名

沙彌十戒法并威儀卷一  
南叔

附東晉錄

沙彌威儀八紙  
南叔

劉宋中天竺沙門求那跋摩譯

前七十威儀同

○佛說沙彌十戒儀則經三紙  
南忠

宋北印土沙門施護譯

攝頌沙彌戒品威儀共計七十二頌

沙彌尼戒經四紙  
南子

今在漢錄

沙彌尼離戒文三紙  
南叔北受

失譯人名

佛說優婆塞五戒相經卷一  
南比北初

劉宋中天竺沙門求那跋摩譯

佛在迦維羅衛國淨飯王請為優婆塞分別五戒  
可悔不可悔者令識戒相使無疑惑佛言我久欲  
與優婆塞分別五戒若受持不犯當成佛道若犯  
而不悔常在三塗因於比丘眾中次第說五戒輕  
重可悔不可悔相。

佛說戒消災經三紙  
南比北初

吳月支國優婆塞支謙譯

持歸戒人鬼神畏避二人受五戒同四百九十八  
人見佛皆得證果

佛說大愛道比丘尼經卷二  
南比北隨

北涼錄失譯人名

佛說苾芻五法經四紙  
南盡北則

宋中印土沙門法天譯

說五法得離依止等及說戒七種差別

佛說苾芻迦尸迦十法經二紙  
南盡北則

宋中印土沙門法天譯

說具足慚愧多聞等十法得為人師。

佛說五恐怖世經紙一當

劉宋居士沮渠京聲譯

說末世不遵戒律諸恐怖事。

佛說齋經三南福北緣

吳月支國優婆塞支謙譯

說六齋日受八支五念法 亦收入阿舍部


附疑似雜偽律

佛說目連問戒律中五百輕重事經卷一南猶北隨

西晉錄失譯人名



唯首品即犯戒罪輕重并目連所問二經下諸品與五部律及諸律論俱多矛盾曾於毗尼集要卷首稍辨之。

閱藏知津卷第三十三





70063155



陽麻矢津卷三十三

